

جَزَائِرَ عَمَّاكِرَ

جمعه ایرتسی

نومرو	ربیع الاخر	سنه	کانون اول	سنه	صحیفه
۵۲۵	۲۲	۱۳۰۷	۴	۱۳۰۵	۶۳۱۹

(اشبوغزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حساییله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخہ سی ینہ مجیدیه یکر می غروش اولق اوزره یوز باره یه هریر ده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

عمومی معاونت کی قونیه ولایتی بدایت محکمه سی
 مستنطق سابق صادق افندی به

ادره ولایتی داخلنده اورته کوی فضاسی
 بدایت محکمه سی مدعی عمومی معاونت کی مکتب
 حقوق شاهانه مآذونلرندن ارسندی یورکیادی
 افندی به تقویض یورلمشدر .

زورسنجاغی بدایت محکمه سی باش کاتبی
 رفعتلو سلیم افندی به رتبه ثالثه توجیه
 یورلمشدر .

قسمت

توجیهات

اسکدار بدایت محکمه سی مستنطق اعضا لغی
 بک اوغلی بدایت محکمه سی مستنطق اعضا سندن
 ناظم بکه

جبل برکت سنجاغی بدایت محکمه سی مدعی

قسم غیر رسمی

(موسی بک در دنجی محاکمه شدند)
(مابعد)

دیگر بر سؤاله دخی قریباً شصت کلپور دیه سویدم
جوابی و بر مشد که رمعی و یا مخبر و یا بر مظنونک
ایک افاده می دهامعتبر اولی لازم که جکندن
و شو حاله نظراً تحقیقات ابتدائیه اجرا فلندی
زمان شاهد لک هنوز تدارک اولنه مامش بولندی
جهتله استلربنی بیله مامسی طبیعی اولدیغندن ارتق
بو شاهد لک صکره دن تدارک ایداش اولدیغه
شبهه قالماسی و اون اوچنجیسی مغردیج دایره
استنطاقده بر طرفدن جرائم مذکور بی موسی
بک بالذات ارتکاب ایتدیکنی ساه قاقشدخی
حاله استنطاقنامهک اوچنجی صحیفه سنده ایراد
ایدیلان بر سؤاله دخی موسی بک کویه کلسی
لازم کلر آدملربنه امر ایدر کوندرر یلدرر جوانی
ویرهک موسی بک جرائم مذکورده بالذات
بولندیغنی بیان ایتش اولسی و اون در دنجیسی
مغردیج موسی بکه اسناد ایتدیکی احراق و سرق

فعلربنه قناعت ایتیه رک برده غصب جبری فعلی
اسناد ایتش اولوب حاله که مرقوم مغردیج
افاده مضبوطه سنده حریقندن ایکی آی صکره
ایقاع ایدیلان سرقنک زمان وقوعده استانبوله
کلش اولدیغنی و غصب جبری ماده سنک ایسه
مذکور سرقندن ایکی بچی آی صکره وقوع
بولدیغنی بیان ایتسنه و شو حسابجه ذکر اولنان
غصبک حریقندن درت بچی بش آی صکره وقوعه
کلش اولسی لازم کلسنه نظراً اولوقت استانبوله
اولدیغنی اکلشیلان مغردیجک موشده ایقاع ایدیلان
بر فکاک موسی بک و رفقاسی طرفزدن صورت
وقوعی کوردیکی تعریفه قاقشمی و اون بشجیسی
مرقوم مغردیج افاده مضبوطه سنده غصب جبری
فعلی شاهدلردن بغرض ولد بدیان یلور دیمش
ایکن مرقوم بغوصک خریق ماده سنده شهادت
بشقه برشیدن معلوماتی اولدیغنی بیان ایدرک
مغردیجک افاده سنی تکذیب ایتسی و اون التجیسی
مغردیجک حریقندن ایکی آی صکره استانبوله کلوب
اوچ سنه دنبرو استانبوله بولندیغنه و وراده بولندیغنی
حاله کویا موشده وقوعه بولان غصب فعلی کوردیکنه
دائر اولان افادات متباینه سی دایره استنطاقجه نظر
دقه الذرق سن قاج آی صکره استانبوله کلدک
سؤالنه اوچ آی صکره کلدم جوابی و برمش
و بوضو رتله هم استنطاقنامهک برنجی صحیفه سنده کی

افاده سنی و همده غصب جبری حقه سنی سوزینی
کندوسنک تکذیب ایتش اولسی و الحاصل بوکا
مماثل برچوق احوال غریبه و عجیبهک وجودی
مغردیجک موسی بکه افترا ده بولندیغنی اثباته کافی
اولدیغنی کی خریق فعلنه شهادت ایدلردن بغوص
ولد بدیانک افادته کی مباساتنه کلنجه بونلردن
برنجیسی مرقوم بغوص دایره استنطاقده خریق
زمان وقوعی بوندن اوچ سنه مقدم تموزک بکری
در دنجی پنجشنبه کچه سی ساعت بش راده لربنه
عطف ایتدیکی حاله حضور محکمه ده اولکی
افاده سنی مبان اوله رق خریقک اوچ بچی درت
راده لرنده اولدیغنی بیان ایتسی و ایتنجیسی یاز
کیچک لری خاتله قیصه اولق حسبله کرک ساعت
درنده و کرک اولکی افاده سی وجهله بشده هرکسک
اویقوده اولسی و علی الخصوص مرقوم بغوص
کی رنجبر بر شخصک یورغونلغی مناسبیله او
صره ده او بومش بولتمی طبیعی ایکن خرمنده
او تور یوردم آتشک ظهورینی کوردم سوزینک
تأمین وجدان ایدر سوزلردن اولمامسی و اوچنجیسی
کویا مرقوم بغوص یانغینی کوره رک مغردیجک
خرمانه کتدیکنده موسی بکک النده بولنان بنار
شمه ایله مغردیجک اوت یغینلربنه آتش و برمه که
و مغز نهک دخی یاقده اولدیغنی کورنجیه موسی

بک مغردیجک مغازه و اوتلربنه آتش و بریوردیه
باغرمسی اوزربنه کویلیلر کلدکن صکره موسی
بک هوایه بر قاج ال تفنک انهرق قاجدیغنی دایره
استنطاقده بیان ایتش اولدیغنی حاله حضور
محکمه ده تحویل لسان ایله مذکور افاده سنده
مخالف اوله رق موسی بک قاجدقندن صکره کویلیلر
کلدی دیمسی و در دنجیسی مرقوم بغوص مغردیج
ایله کندی خرمنی اره سنده برخرمان و دیگر شاهد
اغوب ولد پارمه دخی کندو خرمنیله مرقوم
مغردیجک خرمنی بیننده الی خرمن بولندیغنی اول
و آخر افاده ایتیکده اولدق لری و شو حاله بهر
خرمانک یکدیگرینه بعدیتی بشر دقیقه اولق شوبله
طور سون اره برده بولنه جنی درکار اولان کیه
یغینلربنک مغردیجک مغازه سیله خرمانی کوره ییلربنه
مانع اولسی طبیعی بولندیغنی حاله بونلرک اویله
اوزاقدن کوردک دیملری اقتدار بشریه و احوال
طبیعیة انسانیه فوقنده برامر مستحیل بولتمی
و بشجیسی مرقومان بغوص و اغوب موسی بکک
النده کوردکلربنی بیان ایتکلری شمه نکه نهدن
معمول ایدوکی حقه سنی افاده لرنده بیله یکدیگرینی
تکذیب ایتش بولملری و بدنجیسی هرکس مشغور
لیتری حسبیه اشلربنی راقوبده شاهد لکده
بوللق ایستمد کلرندن استانبولک ال یقین بر محله

سندن بيله شاهد جلب ايتكده عسرت چكديكي
وعلى الاصول جلبنامه كوندربلهرك موقع شهادته
كلرى ايچون مجبوريت قانونيه تحتنه التذقيحه
كلديكى حاليه مرقومان بغوص واغوبك شو
قتر حاليله برابر ايشلرني براقوبده موش سنجاغى
كبي برآيلق مسافهدن استانبوله كلرى وحتى ورقة
استنطاقيه ده محرر اولديغى وجهله يول مصرغزى
مغرديجك برادري قرهبت و بردي ديملى بونلرك
تشويق واطماع ابدلديكى مبدانه قويمسى
وينجيسى اغوب ايله مغرديجك خرمانلرى ارسنده
بشقه خرمان يغيرلرى بولنامش اولسه بيله محكمه ده
دخى كوردلديكى وجهله مرقوم قوه باصره وسا
معهدن محروم بولنش اولديغى حاليه ايشى كيجه
وقتى يارم ساعتك مسافهدن كوروب ايشيده مامسى
امور طبعيه دن ايكن كوردم ايشتم ديمسى ظاهره
حالى تماميله مكذب بولنمى وسكزنجيسى بغوصك
خرمانك مغرديجك خرماننه يقين بولنمى حسيله
اغويدن اول محل حريقه كيدر ك مغازهك يانديغى
كوروب اخبار كيفيت ايلديكنه دائر اولان افاده سنه
نظراً صكره دن كيدن اغوبك حريقك صورت
ايقاعنى كوره مامسى طبعي ايكن مرقومك كويا
مشاهداتنى تعريفه قاتشمسى وطقوزنجيسى شمدى
افاده ايلديكى وجهله اكرچه اوت يغيرلرك

كرك مخبر مغرديجك وكرك حريق شاهدلرك
افاداتنى حكمن اسقاط ايتش اولديغى وديوار
دلرك سرفت فعلنه شهادت ايدنلرك افاداتده
مبايناته كلنجيه برنجيسى شاهد اوخانس دائره
استنطاقده مغرديجك خانه سى ديوارى موسى
وعمر بكرايله چالومراد دلشرا ايجرويه كير مشرديه
مسموماته دلالت ايدن تعبيرات ايله موسى بكه
اسناد اولنان فعلى مشاهده ايتديكى
پسان ايتش اولديغى حاليه مستنطقك دقيقه ده
دلدير سؤالندن توسيع فكر ايدرك بيان مشهوداته
قالتشمسى واينجيسى مرقوم شاهد اوخانس افاده
مضبوطه سنده سرفت ايديلان اشيا مباينته يتاق
دخى بولنديغى سولشيكين حضور محكمه ده
بوجهتى انكار ايتمى واوچنجيسى مرقوم
اوخانسك افاده سنه نظراً طاشدن معمول برار شون
قالينغنده كى ديوارك برچار يك ظرفنده دكنكار
ايله دلنه يلمسى محال اولديغى كى مرقوم اوخانس
دائره استنطاقده بلهرك وكر دانلقده سرفت
ايتديلر ديمش اولديغى حاليه حضور محكمه ده
بلهركدن قطعاً بحث ايتديكى جهته بوبابده وقوع
بولان سؤال اوزرينه ذكر اولنان سوزينى دخى
مسموماته بنا ايتمى تعليم وتشويق ايلديكى ميدانه
قويمسى ودرنجيسى زمان وقعه ده آيك هنوز

چيقماش اولديغى چله اخباراتدن اولوب شو
حاليه شاهد اوخانس و بغوصك هيچ رشى
كوره ماملرى طبعي ايكن بيان مشهوداته قاتشملى
كذب صريح ولمسى وبشجيسى مرقوم اوخانس
وبغوص كويك محافظه سى وظيفه سيله مكلف بكجي
اولدقلى جهته وقوعاتى درحال اهالى به خبر
و برملرى لازم كلور ايكن بونلرك مؤخرأ اخبار
كيفيت ايتك ديملرندن و بوبابده ازم اولان كشف
راپورتك عدم وجوددن شو سرفت فعلنك بى
اساس ايدوكى استدلال قلمسى والتنجيسى مرقوم
ماندن بغوص او كيجه رابرنده ديكر شاهد اوخانس
وساثره بولنديغى حاليه طولاشوب يورغونلىق
المق اوزره مغرديجك او طه سنه كلديكى زمان
وقعاتى كوردلديكى بيان ايتشيكين مرقوم
اوخانس بوكاخالف اولهرق بيان معلومات ايتش
وشو حالى كندولريله برابر بولندقلى بيان ايديلان
ديكر شخصلرك دخى كورملرى لازم كلور ايكن كندولر
نديشقه شهادت ايدن بولنامش اولمى اختيار كذب
ايتكده اولدقلى دلالت ايتمى وينجيسى شاهدلر
سرفتك زمان وقوعنده خانه خلقك اويقوده
بولندقلى بيان ايتكده اولوب حاليه وكه نه قدر
درين اويقوده بولنش اولسه لر بيله اويله طاش
ديوار دلنهرك وقوعبولان سرفت ايتشكندن
بريسنك طويمسى طبعي ايكن هيچ برى طويمديلر
ديهرك مغاير عقل و حكمت سوزلرده بولنلرى

و مکر نجیسی مرقومانک زمان وقعه ده موسی بکدن
کور دکری تهدید فرض ایدلسه بیله وقعه دنصکره
خفیا اولسون مغربیجه و پدیری اوخانه اخبار
کیفیت ایتلری لازم کور ایکن سکوت ایدرک شمدی
علیهنده شهادته قالمشیری و او زمان مغربیجک
پدیری اوخانس محلهنده حاجو اوغلی درویش
علیهنه اقامه دعوی ایتدیکی صرعهده بوشاهدیری
اقامه ایتماش اولسی مرقومان شاهد اوخانس
و بقوصک موکلی موسی بک حقنده کی اسناداتی
تنویر ایچون کتورلمش اولدقلرنده اشتباه بر اقامعه
اولدیغی کی فعل غصبه شهادت ایدرک افادانده کی
مبایناندن برنجیسی دخی شاهد کیغورق و میناس
مضبوط افاده لرنده موسی بک رفقاسیله ساعت
اونبرده کلوب مغربیجک پدیری اوخانه برادری
قره بتی باغلادیغنی سولشیر ایکن حضور محکمه ده
بوکامباین اوله رق کچه کلدیلر دیمه لری و ایکننجیسی
بوشاهدیر موسی بک کلدیکندن قورقودن یانته
کیسه کیده مدی دیمش اولدقلری جهته باغلامق
ویا باغلامق فعل و امرینی کوره ماملری طبیعی
ایکن شمدی بیان مشهوداته قالمشیری اوچنجیسی
مرقومان مضبوط افاده لرنده موسی بکه ویرمک
اوزره تدارک ایدیلان پاره نک عیناً لیرا اولدیغنی
سولش اولدقلری حالد حضور محکمه ده بونلردن

هاجی کیغورق مضبوط افاده سننده ثبات ایتش
ایسه ده میناس هم مرقوم حاجی کیغورقک بیانته
و همده دائره استنطاقده کی سوزینه مباین اوله رق
اقچه نک بر مقداریری لیرا و بر مقداریده مجیدی ایدی
دیمسی و دردننجیسی پاره بولق اوزره اوخانسک
کلینی ایله زوجه سنک لیلار وارترس قریه سننه
کیتدکرنک دخی اصلی اولدیغنی موسی بک مساعدولما
مسی دلالتیله اکلاشلی و بشنجیسی مرقوم میناس
دائرة استنطاقده موسی بک کلدیکی زمان کندوسوی
طیشاروده حیوانلره باقش ایدوکی سولشیریکن
حضور محکمه ده بوکا مخالف افادانده بولنسی
والتنجیسی درکه باغلامش اولان بر شخصک
ایلله پاره و یره بیلسی قابل اولدیغنی حالد
شاهدیرک پاره بی قره بت ایلله صابدی و بردی
دیمیری خلاف حقیقت اولوب معافیله شاهدلردن
هاجی کیغورق حضور محکمه ده اول قره بتی
چوزدیلر صکره پدیری دیمشیرک میناسک بونک
عکسنی بیان ایتسی ویدننجیسی مدعی شخصی
قره بت شکایتنامه سننده بنی باغلادیلر پاره بی نتیجه
قدر درت بش ساعت ضرب ایتدیلر دیمش
اولدیغنی حالد شهادتک بوکا غیر موافق بولنسی
شهود مستمع نک شاهد زور اولدقلرینی موقع ثبوت
ایصال ایدر احوالین اولدیغنی و مدعیه شخصیه
قاش خاتون ایلله بو بابده استماع ایدیلان شاهدیرک

افاده لرنده کی تناقض و مباینته کلجسه بونلردن
برنجیسی قاش خاتونک قریه سنه حکومت محلیه نک
قریتی حسبیله هر حالد بر کشف و معاینه راپور
نک وجودی طبیعی اولدیغنی حالد مفقود بو
لنسی و مزبوره قاشک زوجی مالخاصک هانکی
طرفندن مجروح اولدیغنی بیلورم دیمسی و مالخاصک
بعدالوفات کشف ایتدیرلمکسز بن قالدیرلمسی
مرقومک اجل موعودیه وفات ایتدیکنه دلالت
ایتمکده اولدیغنی کی کرک قاش خاتونک و کرک
شاهدیرک افادلرینه نظراً کویا موکلی موسی بک
بوفعل قتلی اجرا ایتدکدنصکره مقتول مالخاصک
کوینده یامش اولوب حالبوکه بویله قتل تهمتی
کی برجنایت عظیمه بی ارتکاب ایدن بر شخصک
او کویده یانه بیلسی مغایر عقل اولدیغندن موسی
بکک کویده قالدیغنی صحتی تسلیم ایدلیدی تقدیر
ده موسی بکک شو جنایتی ارتکاب ایتدیکنه قائل
اولق دکل احتمال بیلله و یرمک جائز اوله مامسی
و بکنجیسی مالخاصک برابرنده اولدقلری بیان
ایدیلان کویلدیرک اسملرینی اوکرتملری لازم کور ایکن
نه قاش خاتونک ونه ده شاهدیرک بوآدمرک کیملر
اولدقلرینی بیلما لری و اوچنجیسی شاهدیر و قعه
نک فرداسی موسی بکک مالخاصک خانه سنه کله رک
جنازه نک قالدیرلمسی کندولرینه تنبیه ایتدیکنی بیان

ایتدکری حالد مدعیه شخصیه نک حضور محکمه ده
بونلری تکذیب ایدرک موسی بک خانه مزه کلدی
دیمش و بناء علیه شاهدیرله مواجهه ایدلکده کیش
و فقط قیونک طیشاروسننده طورمش اولدیغنی
بیانیه تاویل کلامه قالمش ایسه ده کرک
کندوسنک و کر شاهدیرک افاده لرندن اکلاشلیدیغنی
وجهله مالخاصک اوی بر او طه لی اولسنه و شاهد
پاپاسلرک موسی بک ایچرو کیره رک اجرای تنبیها
ایتدی دیمش بولملرینه نظراً مذکور تاویلک شایان
قبول اوله مامسی و دردننجیسی مزبوره قاش
مادامکه زوجنک موسی بک طرفندن قتل اولد
یغنی خبر المشر شو حالد طبیعی الحصول اولان
تأثرات قلبیه سی قومشولره اخبار کیفیت مجبور
ایده جکی درکار ایکن مزبوره نک هیچ کیسه یه
معلومات و برمد دیمسی اساساً بو مجروحینک
واقع اولدیغنی کوستر احوالین بولنسی
و بشنجیسی شاهدلردن پاپاس قصه پار دائره
استنطاقده موسی بکک مالخاصه نشان الیدیغنی
چقورک کندولرینک بولندقلری محله اون بش
یکرمی ادیم مسافه بعدیتی اولدیغنی بیان ایتش
اولدیغنی حالد دیگر شاهد پاپاس درمت مذکور
مسافه بی بش آدیمه تنزیل ایدرک افادلرینک
بونقطه سننده بیلله برفرق عظیم کوسترمسی

و شهادت واقعہ نك مالخاصك اوغلی اوسب طرفندن تكذيب ايداش بولمسی كی عند الحاكه حاصل اولان احوال موكلی موسی بكك معصومیتی اثباته مع زیاده کافی اولدیغندن برائت ذمتنه قرار ویرلمسی لازم ككه چكنی متضمن بولمیش و بو صروده ساعت اونبره تقرب ایش اولغله اكمال محاکمه ماه مزبورك بکرمجی بازار ایتسی کونه تعلیق ایدلدی .

(بشچی محاکمه)

یوم مذکورده متهم موسی بك قانون دائره سنده توقیفخانه دن کتوردیلرک طرفین کافی السابق حاضر اولدیغی حالده اكمال محاکمه به ابتدار ایله مدافعه وکیللرندن محمد علی افندی دخی مدافعه نامه سنی قرائت ایدرک مالی دیگر وکیل عزت افندیك مدافعاتنی تکراردن عبارت اولدیغی ا کلاشلغله مدعی شخصی وکیل سیون افندی متهم وکیللرینك مدافعاتی شهادتده کی مبیانه دائر اولوب حالبوکه کندولری بومبیانك عدم وجو دینی ادما ایتماش اولدولرندن شمدی مدافعات واقعیه جواب ویرمه محل اولدیغنی وانجق کچن محاکمه قرائت ایتدیکی ورقه سی جملہ

والنجیمی پاپاس افندیلر اوکونی هوانك دومانلی اولدیغنی و بناء علیه دکرماندن کلان اشخاصك کیلر اولدولرینی فرق ایدمه دکرمانی بیان ایش اولوب شو حالده کلان شخصلرک کرک موسی بك وکرک پاپاس افندیلر طرفلرندن کوربله ماممی لازم کدیکی و بالفرض دومان اولماش اولسه بیله موسی بكك ایکبوز خطوه مسافه دن نشان الهرق مالخاصی تشخیص ایلسی قابل اوله میه جفی طبیعی بولندیغنی حالده پاپاس افندیلرک بویه فوق الطبیعه شهادت ایتلری کذب دال اولسی ویدنجمی پاپاسر ملنك مأمورین روحانیه سندن بولندولری جهتلہ انسانلره معاونت و عالم انسانیتہ خدمتده دیگرلرینه مسابقت کوسرملری لازمکولر ایکن اصلا بر جرم وقوع بولماش کی لا قیدانه بر صورتده خانه لرینه عودت ایش و کیسه به خبر ویرماش اولدولرینی سوللرندن دخی جرمك وقوع بولدیغی استدلال قلمسی و سکزنجیمی شاهد پاپاس افندیلر کو بیلر طاسلر اوزرنده اولدولری جهتلہ وقعیه کی کوردیلر دیدکلری حالده کندولرندن بشقه سنك بیان معلومات ایتمامکده اولسی و طقوزنجیمی شاهدلرک یمنندن استنکاف و ترکیه افاده مراددن اجتناب ایتلری ایشك ماهیتنی و کذبده انفساق ایش اولدولرینی میدان قویسمی

و شهادتده کی اختلاف وجودینی تصدیق ایله برابر بونك اساسده اولیوب تقراتده ایدوکی بیان ایدلمکده ایسه ده تقراتده اولان اختلاف ایشك ماهیتنی میدان قویقه اولدیغی کی اساس دخی تغییر ایتکده بولندیغنی و مدعی عموی موچی الیه خالد بك افندی دخی صوک سوز متهم ویا وکیللرینه مائد اولدیغندن بوحقلمی ینه محافظه اولتمق اوزره مدعی شخصی وکیل سیون افندیك افاداتی اوزرنه کندوسی دخی بر قاج سوز سوبلیه چکنی و کرچه سیون افندیك جوابسز قالدیغنی بیان ایتدیکی سوزلری صورتا متهم وکیللرینه معطوف ایسه ده ضمنده شاهدلر حقنده کی ادایه سرایت ایدر ایکی نقطه بولندیغندن انلره جواب ویرمکی وظیه دن عد ایتدیکنی بالیان مذکور ایکی نقطه دن بریسی مشار الیه ابراهیم بك افندی حضرتلری طرفندن اجرا قلنان تحقیقات اولیه ایله تحقیقات محلیه نك محکمه ده وقوع بولان شهاداته اساس مبیانت اتخاذ اولنه میه جفته و دیگریده مبیانك اساسده اولیوب فروماتده بولندیغنه دائر اولدیغنی و حالبوکه ذاتا ابراهیم بك افندی حضرتلرینك تحقیقات ابتدایه سی مبیانات شهاداته اساس اتخاذ ایدلمیکی کی تحقیقات محلیه اوراقی ایسه تعریفات قانونیه به موافق صورتده تنظیم و املا

مندرجاتندن اولان درت جهتن برنجیمی محکمه تمیز اعضا سندن سعادتلو ابراهیم بك افندی حضرتلری طرفندن اجرا قلنان تحقیقات اولیه بی متضمن مضبطه نك اوراق رسمیه دن معدود اولوب اوله میه جفی و اینجیمی ذکر اولسان تحقیقات اولیه ایله تدقیقات محلیه نك مدعی شخصیلرک معروضاتی اوزرنه شرفصدور ایدن اراده سنیه جناب تاجسداری به مینی بوراده اجرا ایدیلان تحقیقاته اساس اتخاذ ایدیلوب ایدیه میه جفی و اونجیمی شهادتده کی اختلافك اساسده ویا خود تقراتده اولوب اولدیغنی و دردنجمی اختلاف مذکور تقراتده ایسه شاهدلرک طشره اهالیسی اولغله برابر جاهل بولولری نظر دقتنه انلهرق شو مخالفك مبیان اولیان اساسه سرایت ایدوب ایدیه میه جفی مسائلندن عبارت اولوب بونلر جوابسز براغش اولدیغنی و مدافعه وکیللرندن عزت افندی دخی مشار الیه ابراهیم بك افندی حضرتلرینك مأموریتلری حسبیله اجرا ایتدکلری تحقیقات اولیه وانی متضمن اولان مضبطه مقبول اولدیغنی کی مذکور مضبطه و تحقیقات اولیه اسباب حکمیه دن عد ایدلامکده اولدیغنی جهتلہ بوراده کی تحقیقاته اساس اتخاذ ایدیلوب ایدیه میه جفی حقنده اعتراض سردینه محل اولدیغنی

واستجواب اولسانلر ايله مستنطق وضبط كائى
طرفدن امضا قلمش اولمىسه مبنى بونلر قانوناً
وثائق معتبره دن معدود وتصادف ابدلديكى بيان
اولنان مبيانات ايسه شاهدلك محكمه ايله دائره
استنطاقده كى افاده لرنده ايدوكى رونمود بولنديغندن
سيون افنديك بولمىسه ايدوكى افاده سى مردود اولديغنى
وايكى نكته نقطه يه كلنجه شهادتك اساس رويتمدن
عبارت ايسه ابتدا كوردم وصكره كوردم
ديه جك هيچ رشاهد تصور ابديله ميه جكنى
و چونكه شهادى كوستره جك وموقع محاكمه يه
قدر كنوره جك اولان شخصى كوردم ديه سويلك
اوزره تعلم ايتدكندن صكره اقامه ايدم جكسندن
شاهدلك كوردم ديمى محتمل اولديغنى وسيون
افنديك افاده سنده كى مقصد اوزرينه شهادت
اساس وفرع اعتباريله ايكيه تقسيم اولمىه
رؤيتك بيانى اساس اولمى لازم كلنجه بونده
تدقيقاته مساعد هيچ رشى بولماق طبعى اولديغنى
وحابوكه اصول محاكمات جزايه قانونك ايكوز
سكسان برنجى ماده سنده تدقيقات واقعه اقتضا
سنجه رشاعدكذب كورنور ايسه مدعى عموميك
ويا تنهم ويا وكيلىك طلبى اوزرينه ويا خود
رأى رئيس محكمه طرفندن توقيف واستنطاق
ايتديله جكى كوسترلمكه اولديغنى وواضع قانون

كندى .

طرفيك ادما ومدافعاتك استماعندن واوراق
تحقيقه نك مطالعاه وتوقيقندن صكره ايجاب
كيفيت لى المذاكره متهم موسى بكك مابه الاتهامى
اولان افعله جرأت ايتديكى حقه حاصلا اولان
احوال شهادت واقعه دن عبارت اولوب حالبوكه
حريق فعلنه شهادت ايدنلردن بغوص ولد بديان
متهم موسى بكك زمان حريقده يالكز كندى
الفده بولنان نفلى شمع ايله اوت يغينلرينه آتش
ويرديكى سويلديكى حالده ديكر شاهد اغوب
ولد پارمه اوت يغينلرينه آتش ورن موسى
وانشته سى عمر بكار اولوب لرنده بولنان شمع
ايسه عادى شمعلى كبريت ايدوكى بيان ايتش
وحالبوكه رشى آن واحده ايكي صورتله كوره
ييك استبعاد اولنور احوالدين بولمى اولمىسه
ومع مافيه مرقوم اغوب ولد پارمه بغوصندن
صكره محل وقعه به كيتش اولديغندن حريقك
ايقاعنى ديكرى كى كوره ميه جكى طبعى اولمىسندن
قطع نظر مرقومان مذكور حريقك موسى بك
طرفندن ايقاعنى عقيب وقعه ده مال صاحبي
اوخانسه خبر و برمش اولدقلى جهته
مرقوم اوخانس بو حريق ايجون موش

حكومتنه مراجعت ايتديكى زمان مرقومانى
اقامه ايتمى لازم كلورايكن اثبات ومدم ايدم مامش
اولديغى اشعارات محليه دن اكلا شلغه اولديغى
كى مرقومانك افادته نظر آزمان وقعه ده كويلير
كاملاً محل حريقه كلمه رك حريقك وقعه عى
كورمش اولدقلى حالده بغوص واغوبدن بشقه
شهادت ايدن بولماسنده ديواردلرك مرقوت فعلنه
شهادت ايدنلردن اوخانس ولد مختار متهم موسى
بكك شو فعله جرأتنى يالكز اولمىه كوردىكى
سويلشيك ديكر شاهد بغوص ولد وارطان بونك
عكسنى بيان ايدرك مرقوم اوخانسى تكذيب
ايدىكى مثلول زمان وقعه ده مهابت اولوب اولديغى
حقنه كى فاده لرنده ييله ختلاف اولمىه رابر
مرقومان اوخانس و بغوص وقعه نى رلكده سير
ايتش اولدقلى جهته موسى بك وعونه سبك
دليان محملدن چيقار دقلى اشياك مقدارى هرايكى پيد
براده ده كورمى لازم كلور ايكن برى التى بوك
وديكرى ايكي بوك اولديغنى بيان اخبرى مقارن
حقيقت اولمىسه ومع هذا جهله اخباردن
اولديغى وجهله برارشون قابيلغنده كى طاش
ديوارك دكشكر ايله برچاربك ساعت ظرفنده

دلینه بیلسی مستبعد بولمسنه و معامله جبر و شدت
اجراسیله غصب ایدیلان یکریمی لیرانک صورت
اخذینی اخبار ایدنلرک کرک زمان وقعه جه و کرک
ضاصبرک مقدارنجه و کرکسه وقعه نک صورت
جریانجه افاده لرنده مخالفت اولوب حتی مواجهه -
لرنده قره بت طرفدن موسی بکه ویرلیدیکی بیان
ایتدکاری اقیچه نک جنسنی بیه یکدیگرینه مباین
اوله رق خبر ویرمکه اولمیرینه و مالخاصک کیفیت
قتلنه دائر اولان اخباراته کتجه مرقوم مالخاصک
بش دقیقه لقی مسافه دن متهم موسی بکک انداخت
ایتدیکی تفنک قورشونیه مجروح اولدیغی پاپاس
قصبار و درتمت طرفلرندن بیان ایدلکده ایسه ده
مرقومانک افاده لری چله سندن اولدیغی وجهله
هوانک دومانلی و بلوطلی اولسی و اخشام دخی
اولش بولمسی جهتیه شاهدلر طرفدن تشخیص
ایدیه میان مرقوم مالخاص موسی بکک بال تشخیص
نشان آلهرق دیگر رفیق لرندن تفریق ایله جرح
ایده بیلسی محال اولمسنه و مرقوم مالخاصک
مقتولینی اثبات ایچون وجوب و الزمیتی درکار
اولان معاینه راپورتی مفقود اولدیغی کی بوباده کی
اخبارات مالخاصک اوغلی اوسب طرفدن تکذیب

ایدلش بولمسنه و الحاصل اخبارات واقعه کلیاً
یکدیگرینه مباین اولمسنه نظراً احوال موجوده
تمامیه تأمین وجدانه کافی کوریه مدیکندن متهم
موسی بکک افعال مذ کوره دن قصداً حریق
و غصب ماده لرنده اکثریت و دیوارده لره سرقت
حقنده اتفاق ارا ایله و مالخاصک کیفیت قتلنه
دخی تخریمنده اکثریت ثلثان ارا حاصل اولماق
برائت ذمتنه و سبب آخره مبنی موقوف دکل ایسه
تخلیه سیلنه اوچیز بدی سنه سی ربع الاخرینک
طقوزنجی کوننه مصادف اولان اوچیز بش
سنه سی تشرین ثانیسنک یکرمجی کونی قرار
ویرله رک قانونک ارائه و تعریف ایدلیکی وجهله
تفهیمی اجرا و معاملات سائر ایا قتلندی .

(اوچیز بش سنه سی مایسنک یکرمی دردنچی)
(چهارشنبه کونی ساعت طقوز یحی راده .)
(لرنده اقمرایده بارکیر جیلر ایچنده جبهله خانمی)
(متعمداً کیر بچاق ایله جرح و قتل ایتمسندن)
(طولای مظنون علیه بولنان اشجی مصطفانک)

(علماً اجرا اولنان محاکمه سنک ضبطنامه سی)
(صورتندن مابعدی)

ایدلکده ایسه ده شورفاقت و مناسبک وجودی
فرض ایدلسه بیه مرقومه تعلق ایدر جهتی
کوریه مدیکندن بوحال شهودک اشجی مصطفی
حقنده خصوصتربنی و بناء علیه افاده لرنک حکمدن
موقوفی ایجاب ایدر اسباب مقبوله دن اوله مامسنه
ومع هذا مرقوم اشجی مصطفی جرمی مشهوداً
ایقاع ایتش و مرقومک فعل قتله جرائی شهود
معلومه طرفلرندن شائبه غرض و خصوصتدن عاری
اوله رق قسمله خبر ویرلکده بولنش اولدیغی
حالده ارتکاب ایتدیکی فعل قتلی بر شخص
موهومه اسناد ایتیمی شایان اعتبار اوله میده جفته
و اخبارات واقعه چله سندن اولدیغی وجهله متهم
مرقومک قهوه خانه اوکنده اوتورمقده ایکن
جبهله نک اورادن یکدیکی بالمشاهده همان قلقوب
بیلرنده هیچ برسوز جریان ایتکسزین مز بوره نک
بویندن طوته رق بر صورت غدارانده فعل جرح
و قتلی ایقاع ایتش اولسی ارزوی ازدواجک
عدم حصولی مزبوره جبهله خانم حقنده اغبرار
و خصوصتتی موجب اوله رق هر نره ده تصادف
ایدر ایسه ایتسون بوسورتله اخذ وانتقاهی
تصمیم ایتش و وقعه کونی مزبوره یی اقمرایده

بارکیر جیلر ایچنده اله کچورمکه افکار
انتفاجویانه سی مشهوداً اجرا ایتش اولدیغنه دلالت
ایدر احوال دن بولمسنه و حین در دستنده بن
افکاریمی اجرا ایتدم و مرام حاصل اولدی
دیمسی و کیر بچاغک اوزرنده بولمسی شوصورتی
مؤید اولمسنه نظراً متهم اشجی مصطفانک انکاری
واهی و مدافعات واقعه دخی احوال مسروده
ایله مردود اولوب مرقومک مزبوره جبهله یی
بالتصور جرح و قتل ایدلیکی تحقیق ایتکله
اولوجهله مجرمیتنه بالاتفاق قرار ویریلوب تنظیم
ایدیلان قرارنامه علماً قرائت اولدوقده معاون
موسی الیه رؤف بک مرقومک قانونک جزانک یوز
یتمشنجی ماده سنه توفیقاً تعیین جزاسنی طلب
ایتش و دم و دیت طلبنده بولنوب بولمقدلری
مدعیه شخصیه لردن صورلدوقده هرا یکیمی دخی
حق شخصی طلبنده بولمیه جعفرینی و حکم قانونه
راضی ایدوکرینی بیان ایتلریله اولباده کی ورقه
دخی تحت امضایه الدیرلش و مدافعه وکیل
اسماعیل افندی دخی جهت جزایسه حقنده
مدافعه یه محل اولدیغنی بیان ایتش اولمیریه مذاکره
اوطه سنه عودت اولندی جهت جزایسه سی دخی
تذکر اولدوقده مرقومک حرکتی قانون جزانک
یوز یتمشنجی ماده سنه موافق اولدیغنه و ماده

مذکورده بر کیمه نك متعمداً قاتل اولدیغی قانوناً
تحقیق ایدر ایسه قانوناً اعد منه حکم اولنور دیو
محرر بولندیغنه مبنی بوماده حکمنه توفیقاً مرقومک
جزای اعدام ایله مجازات ایدلسنه واعلام وضبط
واستطاق خرجلی اولان بوز اوتوز غروشک
مرقومدن بالتخصیل عدلیه وزنه سنه تسلیم
ایتدیرلسنه اوچبوز بدی سنه سی محرمنک اون
التجبی کونه مصادف اولان اوچبوز بش سنه سی
اغسنوسنک اوتوزنجی کونی اتفاق آرا ایله قرار
وبرله رك قانونك ارأه وتعریف ایلدیکی وجهله
تفهیمی اجرا ومعاملات سائرہ ایفا قلندی .

فی ۱۷ ایلول سنه ۳۰۵

اعلان

قلب مجیدی اعمال ایدرک سوردکاری ادما
اولمسندنطولای متهم اولوب الدہ وتحت توقیعه
بولنان معلوم الاسامی اشخاصک رفقا مندن اولوب

فرارده اولمسنندن ناشی غیاباً متهم بولنان اوزونجه
بویلی ضعیف اسمرجه وبرکوزینک دروننده آق
علامتی اولان تربیقلی وچاکت وپانطلون وشابقه
اکتسا ایدن تخمیناً بکرمی بکرمی ایکی یاشلرنده
استغفانی ولد قوطو جی علقو ایله طاطاولده
قوندره جیقل ایدوب اشکال مخصوصه سی اوراق
تحقیقه ده مندرج اولمیان استلبانوس واورته
بویلی یاصی النلی چکمه برونلی والا کوزلی
مطروش چکملی واورته اغزلی وقیر صاج وقرال
قاش وتیر بقیلی اسمر چهره لی اولوب طاطاولده
ایا طناش محله سنده بوسنتان زقاغنده بر خانه ده
مستأجراً ساکن اولان صندالچی نیقولی ولد
یناقو الان الدہ ایدله مامش اولدقلرندن اصول
محاکات جزایه قانونک اوچبوز بتش برنجی
ماده سنه توفیقاً محکمه یه کلری ضمنده مرقومونه
تاریخ اعلاندن بالاعتبار جانب ریاستدن مجدداً اون
کون مهل ویرلوب بو مدت ظرفنده محکمه یه
کلدکاری تقدیرده قانونه اطاعت ایتماش نظریله
باقیله رقی محاکمه غیایه لری بالاجرا حقوق مدنیه دن
اسقاط ومالری جز ایدله جکی ومرقومونک بو
باده برکونه اقامه دعویاه حققری اوله یه حققری
کبی بولندقلری محالری بیلانر خبر ورمکه وبالجمله
صابطه عدلیه مأموزلرینک کندولرینی طوعغه

مجبور اولدقلری بیانله اعلان کیفیت اولنور .

فی ۱۵ تشرین ثانی سنه ۳۰۵

تسلیمی بالجمله ضابطه عدلیه مأموزلرینک معلومی
اولقی اوزره اشبو اخذو گرفت مذکره سی محکمه
استیناف جنحه دائره سی نزدنده منسکل هیئت
اتهامیه دن بالتنظیم اعطا قلندی .

فی ۵ ربیع الآخر سنه ۳۰۷

وفی ۱۶ تشرین ثانی سنه ۳۰۵

غلطه ده کورجی زقاغنده جرح و قتل اولنان
ازمیری دیمترینک کیفیت قتلندن طولای مطنون
علیه بولنان اوزونجه بویلی اسمر بکزی مطروش
چکملی وقاره آز بقیلی وقاره قاشلی کستانه کوفی
وقاشنک صاغ ویاصول جهنده بوقارودن اشاغی
بچاق یاره سی کبی بر نشانه سی اولوب تخمیناً
بکرمی بر یاشنده بولنان طریانده فیل حقنده اوراق
تحقیقه ده درمیان اولنان دلائل و اخبارات
اتهامنه درجه کفایه ده کورلمش وحرکتی قانون
جزانک یوز یتمشجی ماده سی حکمنی مستلزم افعال
جنایه دن بولنش ایدوکنندن اصول محاکات
جزایه قانونک باب رابعنک فصل ثانیسنده محرر
مواد احکانه توفیقاً محکمه جنایته محاکمه سی
اجرا اولقی اوزره جنایته اتهامنه قرار ویرلد
یکندن متهم مرقوم طریانده فیل هر زرده کوریلور
ایسه طویلوب محکمه مذکورہ توقیفخانه سنه

اوچبوز بش سنه سی جزیرانک اون دردنجی
بازار کیمه سی قپان دقیقه تکفور طاغلی
اسکله سنده فوطینک میخانه سی باغچه سنده قوند
بره جی دیمتری بی جرح وممره لی معونه جی
نیقولی بی قتل ایلدیکی ادما اولمسنندن طولای
مطنون علیه اولوب غیاباً جنایته اتهام ایدیلان
اون قپاننده یوسف اغلک قهوه خانه سنده ساکن
ایکن فرار ایدن اورته بویلی آچیق آللی اورته
اغزوبرونلی الاکوزلی متناسب چکملی قرال صاج
وقاشلی بغدای بکزی بکرمی بش یاشنده اولان
طلوبه جی محمد الان الدہ ایدله مامش اولدیغندن
اصول محاکات جزایه قانونک اوچبوز بتش

معلومه نك تأمين استيفاسيچون مديون
مرفومك مالى اولوب تحت جزه النان

جنس اشيا	عدد
اوچه	۱۱
نار كوله	۱۵
نحاس قهوه ابريقى	۳
برى صارى تنكه ابكى نحاس ستيل	۳
نحاس قهوه كوكومى	۱
هادى تپسى	۵
صغير وكبير جزوه	۱۳
مستعمل نار كوله سري	۱۵
صارى تنكه بربر لكنى	۲
نحاس منغال	۱

جمعاً اون قلم اشيا اوچيوز بش سنه سي قانون
اولنك دردنجى بازار ايرتسى و بشنجى صالى
والتنجى چهارشنبه كونلى ساعت طقوز بچغه قدر
بات بازارنده بالمزايده فروخت اولنده جفتدن طالب
اولنلك ايام مذ كورده محل مذ كوره مراجعت
ايللى در سعادت اعلامات نظاميه اجرا دآره سندن
اعلان اولنور .

في ۳۰ تشرين ثاني سنه ۳۰۵

مطبعة عامرودة طبع اولنشد

برنجى ماده سنه توفيقاً تاريخ اعلاندن بالاعتبار
محكمه يه كلك اوزره جانب رياستدن متهم مرقومه
اون كون مهمل و يريلوب مدت مذ كوره ظرفنده
محكمه يه كلكيكي تقديرده قانونه اطاعت اينتاماش
نظر بله باقيله رق محاكمه غيايه سي اجرا و حقوق
مدينه دن اسقاط و اموالى حيز ايديله جـكى
و مرقومك بو باده بركونه اقامه دهـوايه حق
اوله ميه جغى كې بولنديغى محلى بيلانلر خبر و بره كه
و بالجملة ضابطه عدليه مأمورلر نك كندوسنى
طـومغه مجبور اولدقلى بيليله اعلان كيفيت
اولنور .

في ۲۸ تشرين ثاني سنه ۳۰۵

محمد نوري بك ايله عايشه ناجيه و خديجه
نجميه و حورى سحر خانلرك در سعادت بدايت
محكمه سي برنجى حقوق دائره سندن و يريلان
في ۱۷ نيسان سنه ۳۰۵ تاريخلى اعلام موجبه
حسين چاوش ذمتنده الاجقلى اولان مبالغ